

# Singing the Truth

the story of Miriam Makeba



Louwriša Blaauw

Bianca de Jong

Jade Mathieson

## Ukucula iqiniso: Indaba ka Miriam Makeba

Jade Mathieson  
isiZulu

African  
Storybook.org



Kudala edolobheni elikhulu laseGoli,  
kwazalwa umntwana  
wentombazane. Lowomntwana  
kwabe kuyimi. Umama wangibiza  
uMiriam. UMiriam Makeba.

Umama wabe eyisangoma, kodwa wayebuye ahlanze imizi yabantu. Kwakunzima kumama wami ukuzuza okwanele ukuze siphile sobabili. Waqala wadayisa utshwala bokuzenzela ukungenisa imali.



Umthetho wezwe wawungavumi ukuba kudayiswe utshwala bokuzenzela. Amaphoyisa abopha umama izinyanga eziyisithupha. Nganginamalanga ayishumi nesishiyagalombili ubudala, ngimudinga umama wami. Noma ngangiyingane kodwa ngaya ejele.





Njengengane encane yentombazane  
ngangikuthanda ukucula.  
Sengimdadlana, ngasiza umawami  
ukuhlanza izindlu. Ukucula amaculo  
ngisebenza kwakwenza umsebenzi  
wami uhambe ngokushesha  
nezinsuku zami zikhanye. Ukucula  
kwakungijabulisa ngendlela engeke  
ngikwazi ukuyichaza.



Ngangicula esontweni, futhi lokho kwakujabulisa nabanye. Umculo unamandla okuhlanganisa abantu. Uma sesicula sasiba nesibindi namandla.



Abantu babethi izwi lami liyisipho  
namaculo ami akhethekile.  
Ngangicula nabanye abaculi futhi  
umculo wethu wawuzwakala  
umhlaba wonke.

Ikhaya lami kwakuyi Sophiatown, indawo yamasiko nomculo. Umculo nokudansa kwakuletha ubunye nokuthula eSophiatown. Kodwa ababusi bezwe ngalesosikhathi babengathandi ukubona lokho kuxhumana. Labo babusi babengathandi ukubona abamnyama nabamhlophe bengabangani.





Ngangazi ukuthi kwakungalingile ukucwasa abantu ngokwebala labo. Angizifihlanga izinkolelo zami, futhi labo babusi bangixosha ezweni lami. Ngesikhathi ngicula eMelika, ngatshelwa ukuthi ngeke ngibuyele ekhaya.





Abantu umhlaba wonke baluzwa udaba lwami. Amaculo ami nendaba yami kwasiza abaningi ukuthi babone ukuthi alikho iqiniso eNingizimu Afrika kulabo abanebala elimnyama. Nganquma ukuqhubeka nokucula ngikhulume iqiniso ngezwe lami noma kanjani.

Umhlaba wawuwuthanda umculo wami futhi ngangemukelekile emazweni amaningi. Ngangizuzisa izindondo ngiculele nabantu ababalulekile umhlaba wonke. Impilo yami yayiyinhle, kodwa ngesinye isikhathi kwakukhona okwakushoda. Ngangingeke ngikwazi ukucula ezweni lami, futhi abantu bakhona babengakhululekile.



Usuku olumnandi lwafika lapho  
uNelson Mandela eseba  
umongameli waseNingizimu Afrika.  
Kwaphatha abantu abasha  
nemithetho yengcindezelo yaphela.  
Ekugcineni ngabuyela ekhaya  
nginethemba elisha enhliziyweni  
yami.





Emva kwalokho ngasengikwazi ukucula ezweni elikhululekile elingenangcinezelo. Abantu abahlukene ngokwebala bawuthokozela ndawonye umculo. Ngasiza ukwenza lokhu kwenzeke ngoba nganginesibindi futhi nginamandla. Ngacula iqiniso kuwo wonke amaculo ami.


# Ukucula iqiniso: Indaba ka Miriam Makeba

Writer: Jade Mathieson

Illustration: Louwrisa Blaauw

Translated By: Umlazi Foundation Phase teachers

Language: isiZulu



Book Dash is a movement of volunteers working to create open-licensed books for young readers, and get these into the hands of children. See more at [www.bookdash.org](http://www.bookdash.org).

© Louwrisa Blaauw, Jade Mathieson, Bianca de Jong, and [bookdash.org](http://bookdash.org), 2014



This work is licensed under a Creative Commons Attribution (CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative